

Landesbibliothek Oldenburg

Digitalisierung von Drucken

Jahrbuch für das Oldenburger Münsterland

Vechta, Oldb, 1969-

Theo von Garrel: Achtern Diek

urn:nbn:de:gbv:45:1-5285

Theo von Garrel

Achtern Diek

In 't Vörjohr seeten se gern up'n Diek un keeken wiet hen äöwer't Waoter.

De See is still.

In 'n Sömmer müchten se dat bunte un luute Driewen an 'n Strand.

De Strand is leddig.

In Harfst off Winter kunn ehr upweuht Waoter nich uphollen.

De Storm heff sick leggt.

Wo moje us Öllerngraff hier achtern hoogen Diek ligg.



*Inselfriedhof am alten
Leuchtturm auf Borkum
Foto: Heinrich Siefer*

Hildegard Tölke

Tauhörn!

Wenn einer tau di sägg:
„Nu help mi maol!“
Dann kiek nich wech,
off för di daol.
Pack fortsen düchtig an
un dat mit beide Hann'n.

Wenn einer tau di sägg:
„Ick wait dat nich!“
Dann kiek nich weg
dat is doch licht.
Denk fortsen düchtig nao
dann häss dat Wort paraot.

Wenn einer tau di sägg:
„Ick bin so bang!“
Dann hör nich weg.
un teuw nich lang.
Nimm fortsen üm in 'n Arm'
dann wedd sien Harte warm.